

近代中國史料叢刊續編第十輯  
沈雲龍主編

光宣列傳  
金梁編

文海出版社  
有限公司印行

近代中國史料叢刊續編 第十輯

目錄

光宣列傳·····	金 梁編
張濂卿先生詩文手稿·····	張裕釗撰
賀先生(濤)文集·····	賀葆真·吳閩生校
黃遵憲與日本友人筆談遺稿·····	鄭子瑜·實藤惠秀編
日本雜事詩·····	黃遵憲著
日本國志·····	黃遵憲著
梁任公(啓超)先生知交手札·····	新會梁氏藏
雅堂先生文集·餘集·····	連 橫著
劍花室詩集·····	連 橫著
林獻堂先生紀念集(年譜·遺著·追思錄)·····	林獻堂先生紀念集 編纂委員會編

光宣列傳叙

光宣列傳四十餘卷凡后妃諸王及內外臣工皆備自清史稿列傳分輯者也  
丁卯夏校刻清史稿稿皆未齊惟列傳一類乾隆以前歸金君兆蕃嘉慶以後  
歸夏君孫桐分任復輯較爲完整隨輯隨刊至次春書成過半夏君忽以光宣  
兩朝不及兼顧交稿另編零散數十篇所闕尙多無人接辦余旣任校閱全稿  
儒林文苑又待補輯遺逸等傳復在余手不獲已乃並光宣而亦任之增補  
刪併分卷畫一凡三閱月得三十八卷二百五十傳正附合約四百人時已節  
近端陽矣南軍北進監閉禁城史館本在東華門內同人阻隔而史稿五百卷  
僅得十之七八校刻未竣余乃移歸私寓以一身兼纂訂校補及收發十餘人  
之職盡二十日獨留危城晝夜不息幸而告成始倉卒出都而羅者聞已在門  
史獄未興蓋天幸也其後存館之書不免改削祇東運者獨完遂有關內本關  
外本之別即如光宣列傳張康一卷關內本竟抽易而不知史筆傳信何庸忌  
諱且其中並無違礙徒貽無識之譏耳然史稿實多待正紀志尤甚余曾議重

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



修並擬仍約金夏諸君始終其事藩變既起遂敗垂成殆亦天也今友人索景此本謂史稿既未易重刻而世傳先正事略碑傳集及耆獻類徵等皆闕光宣得此適可補全且清史傳稿世獨稱爲完善先付單行俟紀志修正再刊全稿亦足成公初志余既重違其意不忍復卻略爲校正即以付之回憶初刻此稿時午夜手校砲聲震耳幾若無聞今啟門養病身在心馳轉不如當日之安定東華在望夢想爲勞何日始得再入故館以重理舊業耶 甲戌端節金梁

再清史稿校刻記乃戊辰年刻稿初成時所草原列卷首爲人抽去朱君希祖曾函許爲有關係之作謂可詳考修史本末也今仍附於卷末以備參考屈指初記時已將七年而記日同爲端節亦可異哉

光宣列傳前編目錄

前一 后妃

孝欽顯皇后

孝定景皇后

瑾妃 珍妃

前二 諸王

恭親王奕訢

醇親王奕譞

慶親王奕劻

端郡王載漪

按光宣列傳原輯四十卷皆臣工列傳嗣以孝欽孝定二后恭醇諸王皆與光宣朝局大有關係乃復自清史稿列傳補錄於前題曰前編又補客卿蒲安臣赫德等傳於後則為附編光宣列傳至是庶備云

附編目錄

附編

客卿

蒲安臣

日意格

德克碑

赫德

昂黎

案赫德等傳原在史稿列傳二百二十二卷蒲安臣傳原缺茲補入原附

史論並節錄之

清史稿光宣列傳目錄

光宣一 軍機大臣一

列傳二百二十三

沈桂芬

李鴻藻

翁同龢

孫毓汶

光宣二 軍機大臣二

列傳二百二十四

榮祿

王文韶

張之洞

瞿鴻禨

光宣三 軍機大臣三

列傳二百二十五

閻敬銘

張之萬

鹿傳霖

林紹年

光宣四 軍機大臣四

列傳二百二十六

景廉

額勒和布

許庚身

錢應溥

廖壽恒

榮慶

那桐

戴鴻慈

光宣五 大學士

列傳二百二十七

英桂

宗室載齡

恩承

宗室福銀

崇禮

裕德



光宣六

內直 蘇臣

列傳二百二十八

潘祖蔭

李文田

孫詒經

夏同善

張家駉

張英麟

張仁黼

張亨嘉

光宣七

都院 大臣

列傳二百二十九

徐樹銘

薛允升

宗室延煦

子 會

汪鳴鑾

長 麟

周家楣

周德潤

胡燏棻

張蔭桓

光宣八

管學 修律 諸臣

列傳二百三十

孫家鼐

張百熙

唐景崇

于式枚

沈家本

光宣九

光初 清事 諸臣

列傳二百三十一

黃體芳

子 紹箕

宗室寶廷

宗室盛昱

張佩綸

何 如 坤

鄧承修

徐致祥

光宣十

知 史

列傳二百三十二

吳可讀

潘教錄

朱一新

屠仁守

何吳金兆壽

安維峻

文悌

江春霖

光宣十一

使臣

列傳二百三十三

郭嵩燾

崇厚

曾紀澤

薛福成

黎庶昌

馬建忠

李鳳苞

洪鈞

劉瑞芬

徐壽朋

楊儒

光宣十二

張臣一

列傳二百三十四

丁寶楨

李瀚章

楊昌濬

張樹聲

衛榮光

劉秉璋

陳士杰

陶模

李興銳

史念祖

光宣十三

張臣二

列傳二百三十五

丁日昌

卞寶第

涂宗瀛

黎培敬

崧駿

崧蕃

邊寶泉

于蔭霖

饒應祺

惲祖翼

光宣十四

職臣三

列傳二百三十六

錫良

周馥

陸元鼎

張曾敷

楊士驥

馮煦

光宣十五

河臣

列傳二百三十七

李鶴年

文彬

任道鎔

許振禕

吳大澂

光宣十六

監司

列傳二百三十八

李朝儀

段起

丁壽昌

曾紀鳳

儲裕立

鐵珊

桂中行

劉含芳

游智開

李用清

李希蓮

李金鏞

金福曾

熊其英謝家福

童兆蓉

光宣十七

監司二

列傳二百三十九

洪汝奎

楊宗濂

史樸

史克寬

沈保靖

朱其昂 弟其詔

宗源瀚

徐慶璋 徐珍

蒯光典

陳遙聲

潘民表 嚴作霖

唐錫晉

婁春蕃

光宣十八 邊臣

列傳二百四十

榮全 壽昌

升泰

善慶 柏梁

恩澤

銘安

恭鏗

慶裕

長庚

文海

鳳全

增祺

貽穀 信勤

光宣十九 西疆功臣

列傳二百四十一

劉錦藻

張曜

劉典 弟仲雲

金順 弟增連等順

穆圖善 杜爾等

文麟 徐等

光宣二十 西疆武臣

列傳二百四十二

董福祥 張俊西

金運昌

黃萬鵬

余虎恩

桂錫植

方友升

光宣二十一 平漢武臣

列傳二百四十三

馬如龍

和耀曾

楊玉科

李惟述

蔡標

段瑞梅

夏毓秀

何秀林

楊國發

張保和

光宣二十二

各省武臣

列傳二百四十四

蔣東才

劉廷等

李南華

得兄子

董履高

查全勝

牛師韓

曹德慶

馬復震

程文炳

方耀

鄭紀忠等

光宣二十三

國漢失事諸臣

列傳二百四十五

徐延旭

唐炯

何璟

張兆棟

光宣二十四

法越功臣

列傳二百四十六

馮子材

王孝祺等

蘇元春

馬盛治

王德榜

張春龍

馬維騏

吳永安

孫開華

朱高元等

歐陽利見

光宣二十五

甲午死事武臣

列傳二百四十七

左寶貴

賈等

永山

鄧世昌

劉步蟾

曾林等

戴宗騫

光宣二十六 甲午武臣

列傳二百四十八

宋慶 呂本元 徐邦道

馬玉崑 依克唐阿 長順

光宣二十七 甲午失事諸臣

列傳二百四十九

丁汝昌 衛汝貴 弟汝成

葉志超

光宣二十八 守臺將吏

列傳二百五十

唐景崧 劉永福

光宣二十九 戊戌獲罪諸臣

列傳二百五十一

李端棻 徐致靖 子仁鑄

陳寶箴 黃遵憲

曾鈺

楊深秀 楊銳

劉光第

譚嗣同 唐才常

林旭 康廣仁

光宣三十 庚子首禍諸臣

列傳二百五十二

徐桐 子承煜 豫師

剛毅

趙舒翹

啓秀

英年 裕祿 廷雍

毓賢 李廷簾

光宣三十一 庚子五忠

列傳二百五十三

徐用儀

許景澄

袁昶

立山

聯元

光宣三十二 庚子死事諸臣

列傳二百五十四

李秉衡 王廷相

聶士成

羅榮光

壽山 族孫瑞昌

鳳翔 崇玉等

光宣三十三 庚子殉難諸臣

傳列二百五十五

崇綺 子葆初等

延茂 弟延芝

色普徵額

王懿榮 照元

宗室寶豐

宗室壽富 弟壽壽等

宋承庠 王繼瑞

光宣三十四 殉國諸臣一

列傳二百五十六

恩銘 鳳山琦

端方 弟端第等

松壽

趙爾豐

馮汝駉

陸鍾琦 子光熙等

光宣三十五 殉國諸臣二

列傳二百五十七

志銳

劉從德 奏勳

良弼

宗室載穆

萬選 等

文瑞

承燕 類

恒齡

征 羅 等

樸壽

謝寶勝

姚 萬 雲

黃忠浩

楊 讓 梨 等

光宣三十六

辛亥 誤 國 二 臣

列傳二百五十八

盛宣懷

瑞澂

光宣三十七

遺 臣 一

列傳二百五十九

陸潤庠

世續

伊克坦

梁鼎芬

徐 坊

勞乃宣

沈曾植

光宣三十八

遺 臣 二

列傳二百六十

張勳

康有為

光宣三十九

儒 林 補 錄

列傳四百八十八

儒林三

俞樾

張 文 虎

王闈運

王先謙

孫詒讓

鄭杲

宋 書 升 等

光宣四十

文 苑 補 錄

列傳四百九十一

文苑三



馮柱芬

王頌 葉昌熾 等

李慈銘

陶廷獻 等

張裕釗

范當世 楊守敬 等

吳汝綸

蕭穆 賀澹 等

林紓

嚴復 等

案光宣列傳原輯三十八卷

梁

因前補儒林文苑數傳內多光宣時人如

並列入似較完備故錄附二卷於後合成四十卷云

光宣列傳前編一

后妃

孝欽顯皇后

孝定景皇后

瑾妃 珍妃

孝欽顯皇后葉赫那拉氏安徽徽甯池廣太道惠徵女咸豐元年后被選入宮號懿貴人四年封懿嬪六年三月庚辰穆宗生進懿妃七年進懿貴妃十年從幸熱河十一年七月文宗崩穆宗即位與孝貞皇后並尊爲皇太后是時怡親王載垣鄭親王端華協辦大學士尙書肅順等以文宗遺命稱贊襄政務王大臣擅政兩太后患之御史董元醇請兩太后權理朝政兩太后召載垣等入議載垣等以本朝未有皇太后垂簾難之侍郎勝保及大學士賈楨等疏繼至恭親王奕訢留守京師聞喪奔赴兩太后爲言載垣等擅政狀九月奉文宗喪還京師即下詔罪載垣端華肅順皆至死並罷黜諸大臣預贊襄政務者授奕訢議政王以上旨命王大臣條上垂簾典禮十一月乙酉朔上奉兩太后御養心殿垂簾聽政諭曰垂簾非所樂爲惟以時事多艱王大臣等不能無所稟承是

以姑允所請俟皇帝典學有成即行歸政自是日召議政王軍機大臣同入對內外章奏兩太后覽訖王大臣擬旨翼日進呈閱定兩太后以文宗賜同道堂小璽鈐識仍以上旨頒示旋用御史徐啓文奏令中外臣工於時事闕失直言無隱用御史鍾佩賢奏諭崇節儉重名器用御史卞寶第奏諭嚴賞罰肅吏治慎薦舉命內直翰林輯前史帝王政治及母后垂簾事跡可爲法戒者以進同治初寇亂未弭兵連不解兩太后同心求治登進老成倚任將帥粵捻蕩平滇隴漸定十二年二月歸政於穆宗十三年十二月穆宗崩太后定策立德宗兩太后復垂簾聽政諭曰今皇帝詔承大統尙在冲齡時事艱難不得已垂簾聽政萬幾綜理宵旰不遑矧當民生多蹙各省水旱頻仍中外臣工九卿科道有言事之責者於用人行政凡諸政事當舉與時事有裨而又實能見施行者詳細敷奏至敦節儉祛浮華宜始自宮中耳目玩好浮麗紛華一切不得上進封疆大吏當勤求閭閻疾苦加意撫卹清訟獄勤緝捕辦賑積穀飭有司實力奉行並當整飭營伍修明武備選任賢能牧令與民休息用御史陳彝奏黜南書

房行走侍講王慶祺用御史孫鳳翔等奏黜總管內務府大臣貴寶文錫又罪宮監之不法者成三人杖四人一時宮府整肅光緒五年葬穆宗惠陵吏部主事吳可讀從上陵自殺留疏乞降明旨以將來大統歸穆宗嗣子下王大臣議奏王大臣等請毋庸議尙書徐桐等侍讀學士寶廷黃體芳司業張之洞御史李端棻皆別疏陳所見諭曰我朝未明定儲位可讀所請與家法不合皇帝受穆宗付託將來慎選元良續水統緒其繼大統者爲穆宗嗣子守祖宗之成憲示天下以無私皇帝必能善體此意也六年太后不豫上命諸督撫薦醫治疾八年疾愈孝貞皇后既崩太后獨當國十年法蘭西侵越南太后責恭親王奕訢等因循貽誤罷之更用禮親王世鐸等並諭軍機處遇緊要事件與醇親王奕譞商辦庶子盛昱錫珍御史趙爾巽各疏言醇親王不宜參豫機務諭曰自垂簾以來揆度時勢不能不用親藩進參機務諭令奕譞與軍機大臣會商事件本專指軍國重事非概令與聞奕譞再四懇辭諭以俟皇帝親政再降諭旨始暫時奉命此中委曲諸臣不能盡知也是年太后五十萬壽十一年法蘭西

約定醮親王奕譞建議設海軍十三年夏命會同大學士直隸總督李鴻章巡閱海口遣太監李蓮英從蓮英侍太后頗用事御史朱一新以各直省水災奏請修省辭及蓮英太后不擇責一新覆奏一新覆奏言鴻章具舟迎王王辭之蓮英乘以行遂使將吏迎者誤爲王舟太后詰王王乃對曰無之遂黜一新太后命以次年正月歸政醮親王奕譞及王大臣等奏請太后訓政數年德宗亦力懇再三太后乃許之王大臣等條上訓政典禮命如議行請上徽號堅不許十五年德宗行婚禮二月己卯太后歸政御史屠仁守疏請太后歸政後仍披覽章奏裁決施行太后不可諭曰垂簾聽政本萬不得已之舉深宮遠鑒前代流弊特飭及時歸政歸政後惟醮親王單銜具奏暫須徑達醮親王密陳初裁大政軍國重事定省可以稟承並非著爲典常使訓政永無底止因斥仁守乖謬奪官同治間穆宗議修圓明園奉兩太后居之事未行德宗以萬壽山大報恩延壽寺高宗奉孝聖憲皇后三次祝釐於此命葺治備太后臨幸並更清漪園爲頤和園太后許之既歸政奉太后駐焉歲十月十日太后萬壽節上率王

大臣祝嘏以爲常十六年醞親王奕譞薨二十年日本侵朝鮮以太后命起恭親王奕訢是年太后六十萬壽上請在頤和園受賀仿康熙乾隆間成例自大內至園蹕路所經設彩棚經壇舉行慶典朝鮮軍事急以太后命罷之二十四年恭親王奕訢薨上事太后謹朝廷大政必請命乃行顧以國事日非思變法救亡太后意不謂然積相左上期以九月奉太后幸天津閱兵訛言謂太后將勅兵廢上又謂有謀圍頤和園劫太后者八月丁亥太后遽自頤和園還宮復訓政以上有疾命居瀛臺養病二十五年十二月立端郡王載漪子溥儀繼穆宗爲皇子二十六年義和拳事起載漪等信其術言於太后謂爲義民縱令入京師擊殺德意志使者克林德及日本使館書記團使館德意志奧太利亞比利時日斯巴尼亞美利堅法蘭西英吉利義大利日本和蘭俄羅斯十國之師來侵七月逼京師太后率上出自德勝門道宣化大同八月駐太原九月至西安命慶親王奕劻大學士總督李鴻章與各國議和二十七年各國約成八月上奉太后發西安十月駐開封時端郡王載漪以庇義和拳得罪廢溥儀以公

銜出宮十一月還京師上仍居瀛臺養病太后屢下詔母子一心勵行新政三十三年七月下詔預備立憲三十四年十月太后有疾上疾益增劇壬申太后命授醇親王載灃爲攝政王癸酉上崩於瀛臺太后定策立宣統皇帝即日尊爲太皇太后甲戌太后崩年七十四葬定陵東普陀峪曰定東陵初尊爲皇太后上徽號國有慶累加上曰慈禧端佑康頤昭豫莊誠壽恭欽獻崇熙皇太后及崩即以徽號爲謚子一穆宗

孝定景皇后葉赫那拉氏都統桂祥女孝欽顯皇后姪女也光緒十五年正月立爲皇后二十六年從幸西安二十七年還京師三十四年德宗崩宣統皇帝繼位稱兼祧母后尊爲皇太后上徽號曰隆裕宣統三年十二月戊午以太后命遜位越二年崩年四十六上謚曰孝定隆裕寬惠慎哲協天保聖景皇后合葬崇陵端康皇貴妃他他拉氏光緒十五年冊爲瑾嬪二十年進瑾妃以女弟珍妃忤太后同降貴人二十一年仍封瑾妃宣統初尊爲兼祧皇考瑾貴妃遜位後進尊封歲甲子薨恪順皇貴妃他他拉氏與端康皇貴妃同選爲珍嬪進

珍妃以忤太后諭責其習尚奢華屢有乞請降貴人逾年仍封珍妃二十六年  
太后出巡沈於井二十七年上還京師追進皇貴妃葬西直門外移祔崇陵追  
進尊封

論曰孝欽皇后兩次垂簾初與孝貞同出遼平大難克贊中興及聽政既久不  
免私議外侮迭乘災祲屢見又不幸與德宗意旨不協一激而啓戊戌之爭再  
激而成庚子之亂晚乃屈意變法而欲救之以立憲百端並舉政急民煩陵土  
未乾國步遂改孝定親覲厄運憂瘁以終嗚呼豈不哀哉





光宣列傳前編二

諸王

恭親王奕訢

醇親王奕譞

慶親王奕劻

端郡王載漪

恭忠親王奕訢宣宗第六子與文宗同在書房肄武事共製槍法二十八勢刀法十八勢宣宗賜以名槍曰棣華協力刀曰寶鏢宣威並以白虹刀賜奕訢文宗即位封爲恭親王咸豐二年四月分府命仍在內廷行走三年九月洪秀全兵逼畿南以王署領侍衛內大臣辦理巡防命仍佩白虹刀十月命在軍機大臣上行走四年迭授都統右宗正宗令五年四月以畿輔肅清予優叙七月孝靜成皇后崩上責王禮儀疏略罷軍機大臣宗令都統仍在內廷行走上書房讀書七年五月復授都統九年四月授內大臣十年八月英吉利法蘭西兵逼京師上命怡親王載垣尙書穆蔭與議和誘執法使巴夏禮與戰師不利文宗

幸熱河召回載垣穆蔭授王欽差便宜行事全權大臣王出駐長辛店奏請飭  
統兵大臣激勵兵心以維大局克勤郡王慶惠等奏釋巴夏理趣王入城議和  
英法兵焚圓明園豫親王義道等奏啓城許英法兵入王入城與議和定約悉  
從英法人所請奏請降旨宣示並自請議處上諭曰恭親王辦理撫局本屬不  
易朕深諒苦衷毋庸議處十二月奏通商善後諸事初設總理各國事務衙門  
命王與大學士桂良侍郎文祥領其事王疏請訓練京師旗兵並以吉林黑龍  
江與俄羅斯相鄰邊防空虛議練兵籌餉上命都統勝保議練京兵將軍景淳  
等議練東三省兵十一年七月文宗崩王請奔赴兩太后召見諭以贊襄政務  
王大臣端華載垣肅順等擅政狀穆宗侍兩太后奉文宗喪還京師譴黜載垣  
等授議政王在軍機處行走命王爵世襲食親王雙俸並免召對叩拜奏事書  
名王堅辭世襲尋命兼宗令領神機營同治元年上半年上就傅兩太后命王弘德殿  
行走稽察課程三年江寧克復上諭曰恭親王自授議政王於今三載東南兵  
事方殷用人行政徵兵籌餉深資贊畫弼亮忠勤加封貝勒以授其子輔國公

載澂並封載濬輔國公載灃不入八分輔國公四年三月兩太后諭責王信任親戚內廷召對時有不檢罷議政王及一切職任尋以悼親王奕諒醇郡王奕譞及通政使王拯御史孫翼謀內閣學士殷兆麟左副都御史潘祖蔭內閣侍讀學士王維珍給事中廣誠等奏請任用廣誠語尤切兩太后命仍在內廷行走管理總理各國事務衙門王入謝痛哭引咎兩太后復諭王親信重臣相關休戚期望既厚責備不得不嚴仍在軍機大臣上行走七年二月西捻逼畿輔命節制各路統兵大臣授右宗正十一年九月穆宗大婚復命王爵世襲十二年正月穆宗親政十三年七月上諭責王召對失儀降郡王仍在軍機大臣上行走並奪載澂貝勒翼日以兩太后命復親王世襲及載澂爵十二月上疾有間於雙俸外復加賜親王俸並命代批章奏德宗即位復命免召對叩拜奏事書名光緒元年署宗令十年法蘭西侵越南王與軍機大臣不欲輕言戰言路交章論劾太后諭責王等委靡因循罷軍機大臣停雙俸家居養疾十二年十月復雙俸自是國有慶屢增護衛及甲數歲時祀事賜神糕節序輒有賚賞以

爲常二十年日本侵朝鮮兵事急太后召王入見復起王管理總理各國事務衙門並總理海軍會同辦理軍務內廷行走仍諭王疾未愈免常川入直尋又命王督辦軍務節制各路統兵大臣十一月授軍機大臣二十四年授宗令王疾作閏三月增劇上奉太后三臨視四月薨年六十七上再臨奠輟朝五日持服十五日謚曰忠配享太廟並諭王忠誠匡弼悉協機宜諸臣當以王爲法子四載徵貝勒加郡王銜謚果敏載溥出爲鍾端郡王奕詒後襲貝勒坐事奪爵歸宗載溶與載溥同時受封載潢封不入八分輔國公載澂載溶載潢皆前王卒王薨以載溥子溥偉爲載澂後襲恭親王

醇賢親王奕譞宣宗第七子文宗即位封爲醇郡王咸豐九年三月分府命仍在內廷行走穆宗即位諭免宴見叩拜奏事書名迭授都統御前大臣領侍衛內大臣管神機營同治三年加親王銜四年兩太后命弘德殿行走稽察課程十一年進封醇親王十二年穆宗親政罷弘德殿行走德宗即位王奏兩太后言臣侍從大行皇帝十有三年昊天不弔龍馭上賓仰瞻遺容五內崩裂忽蒙

懿旨下降擇定嗣皇帝倉猝昏迷罔知所措觸犯舊有肝疾委頓成廢惟有哀懇矜全許乞骸骨爲天地容一虛糜爵位之人爲宣宗成皇帝留一庸鈍無才之子兩太后下其奏王大臣集議以王奏誠懇請罷一切職任但令照料普陀峪陵工從之命王爵世襲王疏辭不許光緒二年上在毓慶宮入學命王照料五年賜食親王雙俸十年恭親王奕訢罷軍機大臣以禮親王世鐸代之太后命遇有重要事件與王商辦時法蘭西侵越南方定約罷兵王議建海軍十一年九月設海軍衙門命王總理節制沿海水師以慶郡王奕劻大學士總督李鴻章都統善慶侍郎曾紀澤爲佐定議練海軍自北洋始責鴻章專司其事十二年三月賜王與福晉杏黃轎王疏辭不許鴻章經畫海防於旅順開船塢築砲臺爲海軍收泊地北洋有大小戰艦凡五輔以蚊船雷艇復購艦英德漸次成軍五月太后命王巡閱北洋善慶從王會鴻章自大沽出海至旅順歷威海煙臺集戰艦合操徧視砲臺船塢及新設水師學堂十餘日畢事王還京奏獎諸將吏及所聘客將請太后御書榜懸大沽海神廟太后命於明年歸政王疏

言皇帝甫逾志學諸王大臣籲懇訓政乞體念時艱俯允所請俟及二旬親理庶務至列聖宮廷規制遠邁前代將來大婚後一切典禮咸賴訓教臣愚以爲諸事當先請懿旨再於皇帝前奏聞俾皇帝專心大政承聖母之歡顏免宮闈之劇務此則非如臣生深宮者不敢知亦不敢言也太后命毋庸議十三年正月上親政四月太后諭預備皇帝大婚當力行節儉命王稽察十四年九月王奏太平湖賜第爲皇帝發祥地世宗以潛邸升爲宮殿高宗諭子孫有自藩邸紹承大統者應用其例太后從之別賜第發帑十萬葺治十五年正月大婚禮成賜金桃皮靴戎服刀增護衛葺治邸第未竟復發帑六萬並進封諸子載灃鎮國公載洵輔國公載濤賜頭品頂帶孔雀翎二月河道總督吳大澂密奏引高宗御批通鑑輯覽略謂宋英宗崇奉濮王明世宗崇奉興王其時議者欲改稱伯叔實人情所不安當定本生名號加以徽稱且言在臣子出爲人後例得以本身封典貶封本生父母况貴爲天子天子所生之父母必有尊崇之典請飭廷臣議醇親王稱號禮節特旨宣示上即位逾年王密奏臣見歷代繼承大

統之君推崇本生父母者備載史書其中有適得至當者焉宋孝宗不改子儻秀王之封是也有大亂之道焉宋英宗之濮議明世宗之議禮是也張璪桂萼之儔無足論矣忠如韓琦乃與司馬光議論牴牾其故何歟蓋非常之事出立論者勢必紛沓擾攘乃心王室不無其人而以此爲梯榮之具迫其主以不得不視爲莊論者正復不少皇清受天之命列聖相承十朝一脈詎穆宗毅皇帝春秋正盛遽棄臣民皇太后以宗廟社稷爲重特命皇帝入承大統復推恩及臣以親王世襲罔替渥叨異數感懼難名原不須更生過慮惟思此時垂簾聽政簡用賢良廷議旣屬執中邪說自必潛匿倘將來親政後或有草茅新進趨六年拜相捷徑以危言故事聳動宸聽不幸稍一夷猶則朝廷滋多事矣仰懇皇太后將臣此摺留之宮中俟皇帝親政宣示廷臣世賞之由及臣寅畏本意千秋萬載勿再更張如有以治平嘉靖之說進者務目之爲奸邪小人立加屏斥果蒙慈命嚴切皇帝敢不欽遵不但臣名節得以保全而關乎君子小人消長之機者實爲至大且要太后如王言留疏宮中大激疏入諭曰皇帝入承大



統醇親王奕譞謙卑謹慎翼翼小心十餘年來殫竭心力恪恭盡職每優加異數皆涕泣懇辭前賜杏黃轎至今不敢乘坐其秉心忠赤嚴畏殊常非徒深宮知之最深實天下臣民所共諒光緒元年正月初八日王即有豫杜妄論一奏請俟親政宣示俾千秋萬載勿再更張自古純臣居心何以過此當歸政伊始吳大澂果有此奏特明白曉諭並將王原奏發鈔俾中外咸知賢王心事從此可以共白闕名希寵之徒更何所容其覬覦乎十六年正月以上二十萬壽增護軍十五藍白甲五十授載濤二等鎮國將軍十一月王疾作上親詣視疾丁亥王薨年五十一太后臨奠上詣邸成服定稱號曰皇帝本生考稱本生考遵高宗御批仍原封從王志也諡曰賢配享太廟下廷臣議上持服期年縞素輟朝十一日初祭大祭奉移前一日親詣行禮御青長袍褂縵期年內御便殿用素服葬以王纛以天子立廟班諱十八年葬京師西山妙高峯宣統皇帝即位定稱號曰皇帝本生祖考子七德宗其第二子也載洸初封不入八分輔國公進鎮國公載澧襲醇親王宣統皇帝即位命爲監國攝政王載洵出爲瑞郡